

繁峙縣志卷二

建置志

城池

廨宇

市集

鄉都

關隘

驛站

津梁

城池

舊修志

繁峙城舊在滹沱河南明萬厯十四年知縣塗雲路

以其阻山背河崎嶇湫隘遷建於河北岸之龍鬚地

明史所謂石龍岡也城周四里有奇高三丈五尺門

三東曰和豐西曰安阜南曰涓簡各有樓制與門稱

角樓敵臺惟備城中祠宇市廛皆新營也其詳具于

文定公愼行遷城記及訓導王坦修縣治記

于記曰繁峙雁

門塞下邑也城於山麓羣山環而拱之故曰繁峙其城迤靡差池民居如緣上屋之趾乘下屋之危市則如坎不平而城負陽抱陰嶽岑窮深蔽虧日月產石與鐵俗樸而獷健訟嗜爭其士也文采不著闕於賢書亦其地形風氣然也吏相沿以治莫策徙之邑人日咨咨焉萬厯乙酉按察張公治兵雁門行部至邑周視而慨屬吏與民議之邑令塗君率三老子弟請曰以是叢爾土介在山谷湫底壅闕無以疏滯導和民不蒙福今使君有意更造之德至渥也敢陳畚揭以從公曰是烏可緩也以謀諸太原守吳君對如今議請於大司馬鄭公大中丞許公按司洪公暨藩臬之長咸以爲然乃疏諸朝遷焉卜地於故城之西北三里許厥壤地平圭之景中蓋沃土也丙戌四月朔興工問費安出則帑金八千有餘問役安徵則以口爲賦益以追胥鳩人徒則副將李君棟參將周君易管出納則郡丞周君評核羣材則別駕劉君應文綜旣稟則代守陳君宗凱董工役則守備俞君尙德而鈎稽功課考度章程則太原守圭之邑令行焉是年

十月六日城成民挈其孥以徙咸喜無怨以奠厥居
云城周四里有奇高三丈五尺基厚亦如之闢門三
面展其坎方重城亦如之爲樓者八爲臺十有三屹
屹如也官長有宇師徒有廬神有壇祠客有館舍翼
翼如也市廛術隧坦坦如也埒規模於舊城何啻過
之而基圖敞夷原皋坦衍若去奧窔卽堂皇焉不亦
偉哉今堡塞邊吏士蒙甲戢矢一如內郡主上惟桑
土至計詔塞下郡邑以時完繕城堡三歲上其績爵
賞隨之蓋雲中五原以往百室之聚罔不城矣繁峙
斗辟其間非當路塞斥堠不及獨以民俗士風阨於
樸陋改而遷之乃至金湯之險與長城勾注若重鍵
焉斯不亦永利哉丁卯之役河汾上黨遺鏃如茨况
直并塞下邑道不朝食而晏然毋早圖也茲城之遷
毋論醞靈毓粹使士風民俗襲於休明設如雲中五
原烽燧燧舉羽檄南馳邑之吏民無亦登陴受甲以
收全勝而何虞之有故予於是城也知張公之於籌
邊無遺算矣太守及此胥能奉公指以懋樹豐績亦
咸有休問矣哉張公名維城永清人辛未進士吳君

名同春固始人甲戌進士塗令名雲路延慶人予門
下士也來告厥城請識歲月予嘉其勩而紀之云
王記曰繁峙古晉地以其環列皆岫地故名其升復
代更爲繁峙爲堅州自遷聚寶塞城未及三里東西
置二門後少大之移東門增下城而廣其地而門且
北向人文寢衰自嘉靖丁酉後士若中酒者五十年
或者謂地氣而趨陰也繁之人每欲徙是司治者苦
其難不果萬歷癸未塗公蒞此邑是時宿蠹藏奸諸
務廢弛且地接靈邱二百餘里民疲於奔役差糧率
多拖欠公爲立夫廠置軍站整積逋裁里長更北樓
斗級建官廳公廨多方措注百廢俱起乃值多事之
區未嘗以劇自撓環視城池慨然曰茲非闕典與繁
古建國險城池以防寇壯公庭以臨民崇學校以毓
士君子修此三者故全也今三者不法奚政之爲遂
毅然思光大之列狀以請適兵憲張公重民命卽允
議請於上而蔽其事相地勢察土脈叢茂處知土肥
掘地則泉甘俯仰四顧前有峰若筆架簇擁而崢嶸
後有嶺若屏圍環列而峻嶒左臂瓶形右臂雁門首

乾足坤襟山帶河卽於是城焉城四里四十一步高三丈五尺下濶三丈上濶二丈有奇墁以磚凌以塹東西南門三北樓一門樓三角樓四敵臺十二市增鼓樓公署宅樓五中庭五堂前後增捲棚左右二甬道砌磚崇聖諭亭六房之上葺兩衙六房之末增里書阜隸房建豫備倉及公廨公廨前儀門外左土地祠增建延賓館茶房右建陰陽醫學支房大門旁建申明亭旌善亭若文廟則又封其堦拓崇其臺階飾以琉璃塼以朱丹戟門外闢泮塘舊名宦鄉賢祠各一間悉增三間左啟聖祠敬一亭右儒學明倫堂學右文昌祠舊制學在殿後改列右舊齋房六間增號房六間舊宅十間新增各六間廟城隍於治西像立帝於北樓東三官而西三義街東西三南北五曰崇禮曰尙義曰承宣曰興化曰永豐曰東順曰西順曰中順居民墜連鱗比矗矗有條察院分司悉皆更新始於丙戌夏四月成於丁亥秋九月又請設軍伍以衛之其爲民計何深遠也回視向昔則渾渾乎鼎異而有章矣由茲靈秀所鍾風移俗美而人才之振厲

將不決決驍盛乎是役也邑之義官康登科醫官韓遠農民韓守幹等與有勞焉今請記於余欲鐫之石余因詳其始末以見塗公澤被當時功垂後世云

國朝順治五年土寇劉遷據城焚毀殆盡知縣張志高修復之卽垛牆故址增高五尺三門外皆羅以甕城康熙四十年知縣齊士琬重修乾隆三十一年知縣戴一仁領帑再修道光十四年知縣吳其均濬壕引岡水環南城建石隄百餘丈種樹其上歲久壕漸湮垣堞亦多頽圯近士民輸金興築未蕝工也

廨宇

縣署在城西北新順街明知縣塗雲路建

國初燬於劉遷之亂知縣張志高來僦治破祠中踰二年始以次修復其制大堂五楹其側爲庫前有坊恭書

聖諭二堂退堂各五楹退堂左右皆闢別院爲書室及宴集賓客之所直大堂前爲儀門門之內左爲三神祠有樂樓頗宏整獄在門外稍西東則倉廩也又前爲大門亦三楹乾隆四十一年知縣鄭如玉重修百餘年來不無時葺之者舊志云合署有門屋七十餘

楹今敝陋已甚規制僅存耳

典史署在縣署西偏屋十餘楹廳事書室惟備順治中典史王嘉錫建

巡檢署在平刑關

都司署在西門內永豐街舊參將署也康熙五十二年北樓口參將移駐城內知縣齊士琬建

千總署在縣署東北崇禮街

常平倉舊名預備倉在縣署東明萬厯中知縣劉化龍建廩房十餘楹

國朝屢經展築增至十廩有屋八十三楹

明進士邑人糜有象預備

倉記山海經曰泰戲之山無草木滹沱之水出焉西流百三十里曰聖水村聖水之陰有廢治湮沈不可考唐聖歷二年改建於聚寶塞在滹沱之南數百載因之厥時草昧縣署湫隘僅蔽風雨倉在治南數椽茅屋敗壁頽垣不堪藏貯萬歷丙戌徙治滹沱北是為今城民窮財盡土木煩興先後經營閱二十餘載迄無成績鼠牙雀角苦風淩雨並為倉蠹應是役者動至傾家是豈前乎此者剪焉不治或乃補其漏或塞其隙力未休而剝落隨之徒勤民於役耳劉侯蒞邑之初年萬歷三十五年也視事時諸長老趨進曰窮邊下邑倉頽日甚明公能無意乎侯曰唯唯又明年諸長老復請曰窮邊下邑倉頽日甚明公能無意乎侯曰唯唯又明年諸長老復請如故侯曰凡事不一勞者不能永逸不善始者難與圖終邑方罹兵人值播遷力誦事劇如不勝何長老休矣予將有以辦之嗣是一土一木尺積寸累閱三年久諸務畢集召

諸長老議鳩工飭材給餉募夫一舉手而倉告成楹
計者北凡七東西各九大小門凡一坊墁領壁孔堅
且長棟宇豐隆櫺檻疏廠諸長老曰噫嘻邑之永圖
也庶力無假侯蓋私我也相率而問記於余余聞之
矣魯新作南門春秋譏之列國入其境而道路川梁
不以時修春秋又譏之要以允協時宜民不勞而政
有藉是惟無作作則君子與之矣蕞爾孤城昔不能
當上游一面以至今日山河不改風景日佳三十年
之通可計而民命因誰之賜也語有之何知仁義享
其利者爲有德侯之政類若斯昔宋蔡公襄記萬安
渡石橋但書役要而不及其他余竊取斯義用述創
修之顛末勒諸貞珉以告來禩是役也經始於庚戌
冬十月辛亥春三月落成焉侯

諱化龍字存田直隸霍山人

邊儲倉在平刑關

北樓口舊亦有倉後併入
平刑關由巡檢司經理

鼓樓在城中央康熙二十七年知縣劉棻重建基爲

崇臺南北洞開樓二重上祀文昌其旁別爲小樓懸

鐘鼓知縣周銘詒所建也有記

記曰琴之有臺筆之有冢書畫之有船皆

紀實也未有無實而空寄以名者况乎鼓樓之建所以宣適駿之聲而叶於論之奏聲音之道與政治通又非第如名流勝蹟徒令後世文人墨士誇爲美談已也北靈鼓樓巍然聳峙於通衢中央累以崇臺覆以飛閣繚垣四周八牕洞起體勢與省郡相埒塑文昌神像於樓中歲時祀事唯謹願求所謂褰乎鼓之而厥聲嗶嗶者寂乎其未有聞焉樓故有鐘第偃臥東偏檐下問當年崇牙樹羽之跡已了不復存矣予周覽地方形勝竊謂鼓樓之名宜副其實已而衆論皆以爲然於是諏日度地購材募工於樓南東西兩旁添建小樓二間東樓懸鐘西樓置鼓從下而仰觀之一如人之竦立而張拱端好如鳥舒翼然者晨昏司考擊者二人卽以樂樓鋪租資之薪水聲聞於天而出王游衍衆志於以儆旦明聲聞於野而夜寐夙

興四民於以警作息豈徒以檐阿棟宇華采軒翔務
爲觀美已乎詩曰虞業維樅賁鼓維鏞鼓舞振興於
政治亦不無小補焉揆之昔人建樓之意庶幾其無
負乎是役也經始於六月初三落成於九月初二共
費白金一百五十六兩有奇伙助銀錢監督工匠例
得列名碑陰以示來許更爲我告邑人曰事之當因
名以紀實者獨鼓樓也歟哉在昔猗那之詩首稱奏
鼓而大成之集肇自金聲姑以是爲先聲之導可耳
光緒二年縣人拓其基重修之

教諭楊篤記曰繁峙近鄰雁門夙爲負險

用武之國城中鼓樓臨市衢起雄傑甲一縣蓋前明
所建以籌邊備者也我朝德威遠播無事秋防煙
烽永息刁斗不聞於是所謂鼓樓者遂以祀文昌搢
紳冠帶相與俎豆於斯觴詠於斯數百年來習爲故
事光緒丙子縣人以樓久不葺桷楹欹衺金碧剝墜
非所以壯形勝安神靈也爰賦財於衆以時庀工築
稅扶之餽篋易之丹雘新之別建山門恢其舊基凡
靡錢八十萬有奇經始於七月中旬而斷手於十月

之初偉觀也盛舉也余以訖工次年司鐸來縣嘗再登臨焉東瞻泰戲西眺夏屋北望瓶形茹越諸隘連山隱隱心與俱遠其南則滹沱川障清涼北峰而來莽灌百里浩浩森森若浮闐堞麗瞧而溯騰於檻外爲表裏久之而慨然有感於古今盛衰興廢之故也夫縣之不常厥邑五六遷矣創闢於陞北蕩析於秀容寄治於武州改建於大堡重營於唐再徙於明其間兵燹陵谷之變或厯百年一見或僅數十年一見蓋自漢以來未有又安底定如今日之久且盛者而余與多士幸際其時得以詠歌詩書琢磨道藝異日挾其文章鼓吹休明以鳴國家之盛其爲斯樓之榮當何若也記曰入其國而教可知余曩客代北遍覽邊塞所厯名城以十數譙櫓相望率祀浮屠老氏之神市商營卒奔走祈禱幾於列郡皆同而縣人乃能獨崇正祀雖夫塵囂之區鼓角之地而亦爲衣冠文物之所集吁可以規國可以勸學矣故樂爲記之俾鑲諸石其爲制歲以春秋仲月張樂娛神以初補弟子員十二人司之而蒞以首齋生二人凡隸籍於

學官者悉與祀焉三年省試則出公資爲辨裝縣大夫別設晏歌鹿鳴以送之凡應舉於有司者悉與會焉其經費爲錢若干緡歲入息若干緡爲田五十頃渠一道歲入租若干石事別有記此不著

演武廳在西門外教場知縣郭傑修

養濟院在城西南隅知縣郭傑修

騰蛟坊起鳳坊在鼓樓前知縣田成玉建知縣仇恂

重修

科第坊有進士廩有象坊在東大街今圯

廢廨察院行署布政司行署舊在縣治南延賓館

申明亭舊在縣治內官亭二處一在張家莊一在

三泉廠今並圯沙澗驛驛丞署向爲稅廳今改建

義學普濟堂育嬰堂西甕城關廟其故址也又舊志載社倉五處義倉四處久廢坐落無考

市集

新纂

道繁峙者入西門出東門必經大市曰永豐街轉而南爲尙義街轉而北爲承宣街再北爲宣化街再北逼城垣爲崇禮街五街皆東西向緯道也鼓樓當大市中起直南門曰中順街其左曰東順街其右曰西順街縣署在承宣街前有通衢達大市曰新順街四街皆南北向經道也街名以九而惟永豐塵肆鱗比

百工商賈畢萃於是交易間日一集集場無定在城外若沙河若大營皆巨鎮也亦皆有集沙河以奇日大營則偶日與城中同期

鄉都新纂

里甲之制前明立十九都劉遷之亂村舍多墟知縣張志高鳩集荒殘併爲八都曰在城都曰西義都曰東義都曰臨河都曰李牛都曰河興都曰三泉都曰天延都其後以東鄉多代人寄莊別立大義代人之都以統之總爲十都自在城都外九都皆鄉居也生

聚既久榛莽益開山中村落增於舊者不啻倍焉依舊志分四鄉載之縣境左舒右蹙強爲析畫欲無瓜離不能也

東鄉一百二十八村

距城二里聖水頭十里作頭姚家莊十五里福連坊西村二十里華岩下茹越二十三里梁家莊二十七里大溝村小溝村馬園村三十里上永興下永興富家莊三十五里下雙井三十七里紅溝上淨林村四十五里馮家莊窩灣果園村四十七里